

ՇԱՀԱՆ ՇԱՀՆՈՒՐ 1903-1974



Սփյուռքահայ գրականության հիմնադիրներից և ամենավառ ներկայացուցիչներից մեկը՝ **Շահան Շահնուրը** (Շահնուր Քերեսթեճյանը, գրական անունը՝ *Արմեն Լյուբեն*), իր մնայուն հետքն է թողել ոչ միայն հայ, այլև ֆրանսիական գրականության մեջ: Նա իր արձակ և չափածո գործերը ստեղծելիս պարբերաբար գրել է հայերեն կամ ֆրանսերեն՝ բանաստեղծական որոշ ժողովածուների համար Ֆրանսիայում արժանանալով գրական մրցանակի:

1927-1929 թթ. ընթացքում Շահնուրը գրեց «*Նահանջը առանց երգի*» վեպը, որում նա բարձրաձայնեց սփյուռքահայերի ծուլման վտանգի մասին՝ փորձելով հասարակության ուշադրությունը բևեռել այդ խնդրին: Վեպը հայերին ուղղված ահազանգ է ու զգաստացման կոչ: Հեղինակը, վարպետորեն միաձուլելով ազգային ու սիրային հարցերը, ստեղծել է մի երկ, որում սերը չի նպաստում հայրենասիրությանը, այլ նահանջ է ապահովում այն ամենից, ինչը հայրենիք է խորհրդանշում:

Ստեղծագործությունն առավել քան արդիական է այսօր, երբ արտագաղթի մոլուցքը շարունակում է հայրենի եզերքից պոկել իր զավակներին ու տանել օտար ափեր՝ նրանց գլխին դամոկլյան սրի նման կախելով ուժացման վտանգը:

ԱՈԱՋԱԴՐԱՆՔՆԵՐ ԳՐՈՂԻ ԿԵՆՍԱԳՐՈՒԹՅԱՆ ՇՈՒՐՋ

1. Վիքիդարանում գտիր և կարդա Շահան Շահնուրի կենսագրությունը:
2. Դիտիր Նարինե Թովսիկյանի «Խոստովանություն» հաղորդաշարը՝ նվիրված Շահան Շահնուրին:
3. ԳՈՒՍ աղյուսակի միջոցով պարզիր՝ ինչ գիտեիր, ինչ էիր ուզում սովորել և ինչ սովորեցիր Շահնուրի և նրա ապրած պատմական ժամանակաշրջանի մասին:

Գիտեի	Ուզում եմ իմանալ	Սովորեցի


4. Ստեղծիր սահիկաշար՝ ներկայացնելով գրողի ապրած ժամանակաշրջանը և նրա կենսագրությունը:

ԱՈԱՋԱԴՐԱՆՔՆԵՐ ՎԵՊԻ ԴԻՊԱՇԱՐԻ ՈՒ ԲՈՎԱՆԴԱԿՈՒԹՅԱՆ ՇՈՒՐՋ

5. Կարդա «Նահանջը առանց երգի» վեպը:
6. Ցնյց տուր ժամանակաշրջանի և «Նահանջը առանց երգի» վեպի ստեղծման առնչությունները:
7. Ցնյց տուր վեպի ստեղծման շարժառիթները:
8. Ներկայացրու վեպի բովանդակությունը:
9. Ստեղծիր դիպաշարի զարգացման քարտեզ:
10. Բացահայտիր վեպում արժարժված խնդիրները:
11. Ներկայացրու վեպի գաղափարը:

ԱՈԱՋԱԴՐԱՆՔՆԵՐ ՎԵՊԻ ԿԵՐՊԱՐՆԵՐԻ ՇՈՒՐՋ

12. Վերլուծիր նահանջողների կերպարները, բացատրիր, թե ինչից էին նահանջում: Պատասխանները գրիր բացառական հղովով:



13. Համեմատիր նահանջողների կերպարները՝ հիմք ընդունելով նահանջի աստիճանը:
14. Ներկայացրու օտարազգի կանանց կերպարները և նրանց դերը հայ երիտասարդների նահանջի հարցում:

15. Կարող ես հիշել օտարազգի կանաց՝ հայ գրականության մեջ ներկայացված այլ կերպարներ, որոնք բացասական դեր են խաղացել գլխավոր հերոսների կյանքում: Հիշելուց հետո լրացրո՛ւ աղյուսակը:

Ստեղծագործությունը	Օտարազգի կինը	Հերոսի կյանքում նրա ունեցած դերը

ԱՌԱՋԱԴՐԱՆՔՆԵՐ ՎԵՊԻ ԼԵՉՎԱՈՃԱԿԱՆ

ԱՌԱՆՁՆԱԿԱՏԿՈՒԹՅՈՒՆՆԵՐԻ ՇՈՒՐՋ

16. Մատնանշիր վեպի լեզվաոճական առանձնահատկությունները:
 17. Ընթերցելիս դուրս գրիր նահանջողների կերպարները բնութագրող մակդիրների ու համեմատությունների 5-6 օրինակ:

ԱՌԱՋԱԴՐԱՆՔՆԵՐ ՎԵՊԻ ԳԵՂԱՐՎԵՍԱԿԱՆ ԱՐԺԱՆԻՔՆԵՐԻ և ԱՐԴԻԱԿԱՆՈՒԹՅԱՆ ՇՈՒՐՋ

18. Կարծիք հայտնիր այն մասին, թե ոչ լիարժեք նահանջը կարող է արդյոք նահանջից խուսափելու հիմք հանդիսանալ: Հիմնավորիր կարծիքդ վեպից բերված օրինակներով:
19. Ըստ քեզ՝ վեպում արծարծված խնդիրներն արդիական են: Կարծիքդ հիմնավորիր փաստերով:
20. Կարդա՛մ Շահան Շահնուրի՝ իր վեպի մասին հնչեցրած հետևյալ միտքը և բացատրիր, թե ինչու է հեղինակը երազում, որ այն ժամանակի ընթացքում կորցնի գոյատևելու իրավունքը: Հեղինակի միտքը գրիր արևելահայերենով:
«Արդարև, իմ մեծագույն փափագս այն է, որ այդ գիրքը հիննա և կորսնցնե գոյության ամեն իրավունք: Հեղինակի մը համար, որ ընկերային ախար մը մատնանիշ ըրած է, ոչինչ այնքան բերկրայի է որքան իր գիրքին անհետացումը, իբրև ուղղակի հետևանք ախտին բժշկումին»:
21. Հայրենիքից դուրս ապրող հարազատիդ կամ ընկերոջդ նամակ գրիր՝ փորձելով նրան ներկայացնել ուժացման վտանգը: Ինչ ճանապարհներ կառաջարկես՝ կանխելու համար նահանջը:
22. T-աձև աղյուսակով ցոյց տուր վեպի դրական ու բացասական կողմերն ըստ քեզ:

Դրական կողմերը	Բացասական կողմերը